

青天歌註釋序

夫青天歌者真人丘長春之所作也是歌演音三十
二句乃按度人經三十二天運化之道也余每誦其
音喜其文簡而理直實為修真之捷徑入道之梯階前
十二句乃明修性之本體中十二句為復命之工夫
末後八句形容性命混融脫胎神化之妙也愚見世
人只作閑文歌唱舞蹈終不知其中九和十合之理
今故強為註釋以俟後之來者鄙見淺陋然初學者
其庶幾有所感悟焉混然子序

青天歌註釋

混

然

子

註

釋

青天莫起浮雲障

無道本

雲起青天遮萬象

有為皆

青天者指人性而言也浮雲者指人雜念而言也

此二句是修行人一箇提綱大凡平日二六時中

心要清淨意要湛然不可起一毫私念間隔真性

自然如青天無雲障也若苟有心君不能為主對

境觸物隨念所遷其出弥遠是雲起而遮萬象也

萬象森羅鎮百邪

情性靜

光明不顯邪魔旺

心神動

此謂一性正位百邪自歸則身中天地為氣一氣也

萬神一神也自然心君泰定而鎮百邪也若忿不

能懲忿不能窒放情不返被魔所攝是吾光明不